



REPUBLIKA E KOSOVËS / REPUBLIKA KOSOVA

---

**Kom.Dh.Shk.II.nr.1462/2022**

**GJYKATA KOMERCIALE – DHOMA E SHKALLËS SË DYTË**, në kolegjin e përbërë nga gjyqtarët Faton Bajrami, kryetar i kolegjit, Krenar Berisha dhe Saranda Bogaj – Sheremeti, anëtare të kolegjit, në çështjen juridike - konfliktin administrativ sipas propozuesit – paditësit Posta e Kosovës Sh.a, me seli ne Prishtine, me adresë Rr.28 Nëntori, kundër kundërshtares se propozimit - të paditurës Ministria e Financave, Punës dhe Transfereve – Inspektorati i Punës me seli në Prishtinë, te cilën e përfaqëson Ministria e Drejtësisë – Avokatura Shtetërore, me bazë juridike për shtyrjen e ekzekutimit të vendimit, nr. IP.nr.357/2022, datë 28.04.2022, duke vendosur lidhur me ankesën e paditësit -propozuesit kundër aktvendimit të Gjykatës Themelore në Prishtinë - Departamenti për çështje administrative A.nr.1593/22, të datës 12.07.2022, në seancën e kolegjit të mbajtur me datë 02.09.2022, mori këtë:

#### A K T V E N D I M

**REFUZOHET** si e pabazuar ankesa e kundërpropozueses – te paditurës Ministria e Financave, Punës dhe Transfereve – Inspektorati i Punës me seli në Prishtinë, ndërsa aktvendimi i Gjykatës Themelore në Prishtinë - Departamenti për çështje administrative A.nr.1593/22, i datës 12.07.2022, **VËRTETOHET**.

#### A r s y e t i m i

Me aktvendimin e Gjykatës Themelore në Prishtinë - Departamenti për çështje administrative, është aprovuar propozimi i paditësit Posta e Kosovës Sh.a, me seli ne Prishtine, për shtyrjen e ekzekutimit të vendimit nr. 357/2022, datë 28.04.2022, të Ministrisë se Financave, Punës dhe Transfereve – Inspektorati i Punës me seli në Prishtinë, më të cilin vendim ne piken I te dispozitivit është aprovuar e bazuar ankesa e Faton Thaqi i punësuar ne Pozitën e Drejtor i Operatives te Posta e Kosovës Sh.a kundër Vendimit mbi largimin e përkohshëm te punëtorit nga Kompania e PK Sh.a e Vendimit, nr.01 – 1859/2021 i dt.11.08.2021 ne kohëzgjatje sipas kushteve te përcaktuara ne Nenin 75 te Ligjit Nr.03/L-212 te Punës, kurse ne piken II është urdhëruar Kompania Posta e Kosovës Sh.a te ndërprerje masën mbi largimin e përkohshëm te punonjësit F.Th ta kthej ne vendin e tij te punës ne pozitën Drejtor i Drejtorisë Operative ne Posten e Kosovës Sh.a dhe ti kthen te ardhurat personale ne lartësinë e ½ te ndërprera me Vendimin Nr.01-1859/2021 i dt.11.08.2021 nga data 11.08.2021 deri ne ekzekutimin e këtij Vendimi

Kundër aktvendimit të Gjykatës Themelore në Prishtinë - Departamenti për çështje administrative ka ushtruar ankesë i autorizuari i te paditurës – kunderpropozueses Ministria e Financave, Punës dhe Transfereve – Inspektorati i Punës me seli në Prishtinë, përmes te autorizuarës Avokatura Shtetërore, për shkak të shkeljes së dispozitave të procedurës, vërtetimit të gabuar dhe jo të plotë të gjendjes faktike dhe aplikimit të gabuar të drejtës materiale, me propozim që gjykata e shkalles se dyte aktvendimin e kontestuar ta ndryshon dhe të aprovojë kërkesën e te paditurës – kunderpopozueses për lejimin e masës së propozuar apo ta prish aktvendimin e goditur dhe lëndën ta kthejë gjykatës së shkallës së parë për rivendosje.

Kolegji i Gjykatës Komerciale-Dhoma e shkallës së dytë, shqyrtoi shkresat e lëndës, dhe pas vlerësimit të aktvendimit të kundërshtuar në pajtim me nenin 194 të Ligjit mbi Procedurën Kontestimore (LPK), të aplikueshëm sipas nenit 63 të Ligjit për konfliktin administrativ (LKA), ka gjetur se:

Ankesa është e pabazuar.

Duke shqyrtuar shkresat e lëndës, aktvendimin e kundërshtuar sipas ankesës së kunderpropozuesit-te paditurës, kolegji i kësaj gjykate, gjen se gjykata e shkallës së parë, pas shqyrtimit të propozimit të paditësit për shtyrje e ekzekutimit të vendim nr. . IP.nr.357/2022, datë 28.04.2022, Ministrisë se Financave, Punës dhe Transfereve – Inspektorati i Punës me seli në Prishtinë, ka gjetur se propozimi i tillë është i bazuar, ngase paditësi e ka bërë të besueshme dhe përmes provave te prezantuara ka arritur te vërtetoj faktin se ekzekutimi i vendimit do te i sillte dëme paditësit, i cili vështirë se do te riparohej, duke ju referuar dispozitave ligjore të nenit 22 par.2 të Ligjit për Konfliktet Administrative (LKA).

Kolegji i Gjykatës Komerciale-Dhoma e shkallës së dytë, duke u nisur nga gjendja e tillë e çështjes, pranon në tërësi si të drejtë dhe të ligjshëm një konkludim të tillë të gjykatës së shkallës së parë ngase edhe sipas vlerësimit të kolegjit të kësaj gjykate, në rastin konkret janë plotësuar në mënyrë kumulative kushtet për shtyrjen e ekzekutimit të aktit administrativ të paraparë në nenin 22 par. 6 lidhur me par. 2 të Ligjit për Konfliktet Administrative, i cili përcakton se: “ me kërkesë e paditësit, organi akt i te cilit ekzekutohet gjegjësisht organi qe eshte kompetent per ekzekutim, mund ta shtyjë ekzekutimin deri ne vendimin definitiv gjyqësor, nëse ekzekutimi do ti sillte dem paditësit, i cili vështir do te riparohej, kurse shtyrja nuk është ne kundërshtim me interesin publik, as qe shtyrja do ti sjellte ndonjë dem te madhe pales kundërshtare përkatësisht personit te interesuar”.

Gjykata e Shkalles se pare me rastin e vendosjes sipas propozimit te paditësit, ka gjetur se shtyrja e ekzekutimit te vendimit deri ne vendosjen e çështjes ne mënyre meritore, nuk është ne kundërshtim me interesin publik e as qe do t i sillte ndonjë dëme palës kundërshtare apo personave te interesuar, me sakte një vendim i tille do ti shmange pasojat e mundshme qe do ti shkaktoheshin ne te ardhmen nëse vendimi i kundërshtar i te paditurës ne fund te procesit gjyqësor rezulton se është marre ne kundërshtim me Ligjin.

Gjykata e Shkalles se pare ne vendimin e saj, ka konstatuar se paditësja ne pretendimet e saja mjaftueshëm ka arsyetuar se te njëjtat janë te bazuara ne Ligj dhe se ne

rastin konkret janë përmbushur kushtet Ligjore qe te aprovohet propozimi për shtyerje te ekzekutimit te vendimit deri sa gjykata te vendos përfundimisht lidhur me Ligjshmërinë e vendimit te kontestuar përkitazi me padinë e paditësit e ne kuptim te nenit 22 te LKA-se.

Me që nga provat të cilat gjinden në shkresat e lëndës rezulton se me vendimin e IP.nr.357/2022, datë 28.04.2022, të Ministrisë se Financave, Punës dhe Transfereve – Inspektorati i Punës me seli në Prishtinë, është urdhëruar Kompania Posta e Kosovës Sh.a te ndërprerje masën mbi largimin e përkohshëm te punonjësit F.Th dhe ta kthej ne vendin e tij te punës ne pozitën Drejtor i Drejtorisë Operative ne Posten e Kosovës Sh.a dhe ti kthen te ardhurat personale ne lartësinë e ½ te ndërprera me Vendimin Nr.01-1859/2021 i dt.11.08.2021 nga data 11.08.2021 deri ne ekzekutimin e këtij Vendimi, derisa pala paditëse – propozuese, fillimisht përmes vendimit 01-239-22, te datës 09.02.2022 i'a kishte ndërprerë punëtorit marrëdhënien e punës, me arsyetimin se ndaj te njëjtit është konfirmuar aktakuza e Prokurorisë se Shtetit ne drejtim te veprës penale keqpërdorim i pozitës zyrtare, kurse përmes vendimit te Komisionit te Ankesave Nr..01-795/22 ne cilësi te punëdhënësit e ka sistemuar punëtorin ne një pozite tjetër si “Kordinator për kontroll te kualitetit te shërbimeve Postare”, deri ne përfundimin e procedurës gjyqësore penale, dhe i njëjti (punëtori) me vullnetin e tij e ka nënshkruar kontratën e re te punës Nr.01-866-22, me date 04.05.2022.

Duke i marrë parasysh pretendimet ankimore të kunderpropozueses- te paditurës, në ankesë të cekura më lartë ndaj aktvendimit të shkallës së parë, kolegji vlerëson se të njëjtat janë jo të vërtetuara, të pamjaftueshme dhe jo bindëse për tu aprovuar ankesa.

Derisa pretendimet ne padi dhe përgjigje ne ankese te pales paditëse, me te cilat eshte kërkuar caktimi i masës së përkohshme për shtyrjen të ekzekutimit të aktit administrativ, të atakuar deri në vendosjen sipas padisë së paditësit janë të bazuara dhe se vlerësimi i kolegjit është se janë përmbushur kushtet ligjore për shtyrjen e ekzekutimit të vendimit siç parashihet në nenin 6 dhe 22 par.2 të LKA-së.

Mbi këtë gjendje të fakteve kolegji gjen se Gjykata Themelore në Prishtinë – Departamenti për çështje administrative në mënyrë të drejt ka vërtetuar gjendjen faktike dhe drejtë ka zbatuar dispozitat procedurale dhe materiale dhe nuk është cenuar ligji në dëm të ankuesit me rastin e caktimit te masës se përkohshme dhe shtyrjes se ekzekutimit te vendimit dhe se pretendimet ankimore janë të pa ndikim për vendosje në mënyrë tjetër, andaj ankesa si e tillë refuzohet, ndërsa aktvendimi i ankimuar vërtetohet si i drejtë dhe i ligjshëm.

Nga sa u tha më lartë e në bazë të nenit 209 par.1 nën b) të LPK-së, të aplikueshëm sipas nenit 63 të LKA-së u vendos si në dispozitiv të këtij aktvendimi.

**GJYKATA KOMERCIALE – DHOMA E SHKALLËS SË DYTË**  
**Kom.Dh.Shk.II.nr.1462/2022, me datë 02.09.2022**

Kryetari i kolegjit-Gjyqtari  
Faton Bajrami, d.v